



Reykjavík 20.6.2019

Landlæknisembættið,
Barónsstíg 47, 101 Reykjavík.

Heilbrigðisráðuneytið,
b.t. Guðrún W. Jensdóttir, lögfræðingur,
Skógarhlíð 6, 105 Reykjavík,

Varðandi: Viðurkenningu á hæfi bæklunarskurðlækningadeildar skurðlækningasviðs á Landspítala til að bjóða tveggja ára sérnám í bæklunarskurðlæknisfræði.

Með tilvísan í 7., 8. og 15. gr. reglugerðar nr. 467/2015 um menntun, réttindi og skyldur lækna og skilyrði þess að hljóta almennt lækningaleyfi og sérfræðileyfi, svo og til starfsreglna nefndarinnar sem staðfestar voru af heilbrigðisráðherra 28. júní 2016, vill mats- og hæfisnefndin tilkynna að á fundi nefndarinnar þann 21.5. 2019 var ákveðið að viðurkenna með áfram 2ja ára upphafssérnám í bæklunarskurðlæknisfræði/bæklunarskurðlækningum sem fram hefur farið á bæklunarskurðlækningadeild skurðlækningasviðs Landspítalans. Nefndin skal samkvæmt ákvæðum reglugerðarinnar meta hæfi heilbrigðisstofnunar eða deildar heilbrigðisstofnunar til að öðlast viðurkenningu sem kennslustofnun fyrir slíkt sérfræðinám.

Ákvörðunin var tekin með hliðsjón af marklýsingu um nám í bæklunarlæknisfræði/bæklunarlækningum, sem samþykkt var af mats- og hæfisnefnd í september 2017. Námið, sem hófst með formlegum hætti árið 2012, hefur verið endurskoðað og endurbætt á frá því sem var við síðustu úttekt 2017. Það er sett upp með hliðsjón af því sem gert er í Svíþjóð með leyfi Svensk Ortopedisk Förening. Fyrri samþykkt á námsstaðnum gerði ráð fyrir endurskoðun að ári liðnu.


Fulltrúar mats- og hæfisnefndar heimsóttu bæklunarskurðlækningadeild Landspítalans þann 5.4. 2019 og ræddu námsferlið og aðstæður á bæklunarskurðlækningadeild Landspítalans við forsvarsmenn námsins, við tvo fulltrúa sérfræðilækna og tvo fulltrúa sérnámslækna. Lýsing á þeirri úttekt er send Heilbrigðisráðuneytinu, Landlæknisembættinu og öðrum með beina aðild að náminu til kynningar og er fánleg hjá nefndinni. Viðmið nefndarinnar vegna matsins tekur mið af dönskum og breskum/evrópskum vinnuvenjum og reglum varðandi úttektir á námsstöðum. Í matinu er fjallað um námsaðstæður, þ.m.t.

mönnun, umfang og inntak starfseminnar á bæklunarskurðlækningadeild Landspítalans, vinnufyrirkomulag, faglega fundi, kennslu, námstækifæri og leiðsögn sem námslæknar fá, auk samvinnu við aðrar stofnanir og deildir spítalans og önnur skyld atriði.

Nefndin viðurkennir hér með á ný bæklunarskurðlækningadeild á skurðlækningasviði Landspítala sem kennslustofnun í þessari sérgrein læknisfræðinnar. Námið er samkvæmt 8. gr. reglugerðarinnar á ábyrgð framkvæmdastjóra lækninga á Landspítala. Viðurkenningin tekur ekki til náms í undirsérgreinum bæklunarskurðlækninga. Endurmat þessarar viðurkenningar skal skv. reglugerð 467/2015 fara fram eigi síðar en að fjórum árum liðnum, þ.e.a.s. í júní 2021, en verður væntanlega endurskoðað ekki síðar en um mitt ár 2021 með tilliti til matsniðurstaðna.

Yfirlit yfir viðurkenndar heilbrigðisstofnanir og marklýsingar skal með tilvísan í reglugerðina, birta á heimasíðu Embættis Landlæknis.

Virðingarfyllst, f.h. mats- og hæfisnefndarinnar,



Reynir T. Geirsson, próf. em.,

formaður mats- og hæfisnefndar skv. reglugerð nr. 467/2015.

Afrit:

Ólafur Baldursson, framkvæmdastjóri lækninga, Landspítala

Hrund Scheving Thorsteinsson, deildarstjóri, menntadeild Landspítala

Lilja Stefánsdóttir, framkvæmdastjóri skurðlækningasviðs Landspítala ,

Ólöf Sara Árnadóttir, kennslustjóri bæklunarlækningadeildar Landspítala

Halldór Jónsson jr., prófessor í bæklunarlæknisfræði, yfirlæknir, Læknadeild Háskóla Íslands, Landspítala

Yngvi Ólafsson, yfirlæknir, bæklunarlækningadeild, Landspítala

Guðmundur Örn Guðmundsson, sérfræðilæknir, Orkuhúsinu

Engilbert Sigurðsson, prófessor, deildarforseti Læknadeildar Háskóla Íslands

Reynir Arngrímsson, formaður, Læknafélagi Íslands